



Photo CHARROUIN, St-Pol-de-Léon

C'hoant e doa mont da Bariz !

SON HA TON NEVEZ



1

Eur plac'h yaouank diwar ar meaz
Redet bro dezi a c'hoanteaz
Lavaret rea n'oa ket eur vicher
Beza bemdez 'barz ar parkeier.

2

Er c'heariou braz hi sonje ervat
Ne rankfe ket bemdez labourat
Ha neuze, klevet a doa pell-zo
'Vit beza mad ranker redet bro.

3.

Setu a plac'h iaouank eun dervez
A gwiteaz he zud hag he farrez,
Evit mont warzug kear Bariz
Eur vro ker fall 'vit ar yaouankiz.

4

Er Gapital, kerkent ma c'herruaz
Mont da bournen kenta tra reaz ;
Eun tam Aoutrou, o velet anezhi
'Neur zont de c'haout, lavaraz dezi :

5

Na te a gavan eur plac'hig koant
Daoust ha te ne vijez ket kountant
Asamblez ganen dont da veva.
Pinvidik oun, vanko d'id netra.

6

Ar plac'h yaouank a jomaz mantret,
Lavarat nan, ne doa ket kredet,
Kerkent an Aoutrou krogas enhi
Varzug e gear kassaz anezhi.



7

Eun ti an doa ouz ar c'haera,
Lavarat reaz d'ar plac'h azeza,
Kerkent e lezaz eur iouc'haden
Ker braz e zoa bet he spountaden.

8

Gwelet a reaz a-ziouc'h he fenn
Deuet en eun taol eur pez sklerijen,
He zad, he mamm, velaz e pedi
Ha gant truez lavarat dezhi :

9

Va merc'h digor braz da zaoulagat
Araok ma vez re divezat
Ma peuz eun tam kalon en da greiz
Deuz d'ar gear ha distro e Breiz.

10

Ar plac'h yaouank jomaz strufillet
Kerkent ma doa mouez e zud klevet
Mont a reaz kuit en eun taol krenn
En eur lavarat a vouez he fenn :

11

Klevet am boa er c'heariou braz
E zoar eurussoch evit biskoaz,
Siouaz ! an dra-ze meuz bet kredet
Distrei a ran da va bro garet.

12

Kenavo Pariz, bro milliget
Bro al laeron ha bro dirollet
Gant da draou kaer ha da dour Eiffel
N'ez out ket koant evel Breiz-Izel.

(Reproduction interdite)

FRANCIS MOAL.